

**BOSNA I HERCEGOVINA
FEDERACIJA BOSNA I HERCEGOVINA
ZENIČKO-DOBOJSKI KANTON
GRAD ZENICA
JU MEDICINSKA ŠKOLA ZENICA**

Na osnovu člana 28. Zakona o srednjoj školi ("Službene novine ZDK" broj 9/17), člana 24. Zakona o obrazovanju odraslih ("Službene novine ZDK" broj 5/14), člana 21., 24. i 28. Pravilnika o standardima i normativima za obrazovanje odraslih ("Službene novine ZDK" broj 1/16), člana 75. Pravila škole, Pravilnika o obrazovanju odraslih u Medicinskoj školi u Zenici od 18.01.2018. godine i Odluke školskog odbora broj 01-1508/23 od 16.08.2023. godine, JU Medicinska škola Zenica, raspisuje

JAVNI KONKURS

**ZA UPIS POLAZNIKA U PROGRAM OBRAZOVANJA ODRASLIH – PREKVALIFIKACIJA ZA STRUČNO
ZVANJE *MEDICINSKA SESTRA-TEHNIČAR*, U ŠKOLSKOJ 2023/2024. GODINI**

I. OPĆI I POSEBNI USLOVI ZA UPIS

U program srednjeg obrazovanja odraslih može se upisati lice starije od 18 godina, sa završenom srednjom školom III ili IV stepena složenosti.

II. BROJ SLOBODNIH MJESTA ZA UPIS

Minimalan broj polaznika je 10, a maksimalan 40.

Ukoliko se prijavi veći broj zainteresovanih od broja slobodnih mjesta prednost pri prijemu imaju polaznici sa manjom razlikom predmeta za polaganje.

III. BROJ RJEŠENJA O ODOBRAVANJU IZVOĐENJA PROGRAMA

JU Medicinska škola Zenica je registrovana ustanova za obrazovanje odraslih u skladu sa Rješenjem Općinskog suda u Zenici broj: 043-0-Reg-17-001023 od 17.10.2017. godine.

IV. NAČIN IZVOĐENJA PROGRAMA, TRAJANJE I USLOVI ZA NJEGOVO ZAVRŠAVANJE

Program obrazovanja odraslih/prekvalifikacija izvodi se u sklopu instruktivne nastave, dopisno-konsultativne nastave, te na drugi primjeren način, a u skladu sa Planom i programom obrazovanja odraslih za stručno zvanje "medicinska sestra-tehničar" odobren od strane Ministarstva za obrazovanje, nauku, kulturu i sport ZDK.

Program prekvalifikacije trajat će najduže 24 mjeseca, a uvjet za završetak programa su odslušani i položeni svi ispiti utvrđeni kao razlika ispita u odnosu na prethodno završeno srednje obrazovanje. Polaznik nakon položenih ispita polaže maturalni ispit u obimu i na način utvrđen Nastavnim planom i programom za obrazovanje odraslih, nakon čega stiče stručno zvanje IV stepen složenosti *medicinska sestra-tehničar*.

V. NAZIV JAVNE ISPRAVE ISPRAVE KOJA SE IZDAJE PO ZAVRŠETKU PROGRAMA

Polazniku programa prekvalifikacije nakon završenog programa od prvog (I), drugog (II), trećeg (III) i četvrtog (IV) razreda izdaje se svjedodžba, a nakon položenog maturalnog ispita izdaje se diploma.

VI. VISINA ŠKOLARINE PO POLAZNIKU

Visina školarine za obrazovanje odraslih utvrđena je Odlukom Školskog odbora broj 01-25/16 od 12.01.2016. godine), a sa istim je moguće upoznati se u sekretarijatu škole.

VII. POPIS POTREBNE DOKUMENTACIJE

Polaznici prilikom upisa obavezni su priložiti ORIGINALNE dokumente:

- Svjedočanstva o prethodno završenim razredima srednjeg obrazovanja ,
- Diploma o završenom prethodnom školovanju,
- Izvod iz matične knjige rođenih,
- A po izvršenom prijemu uvjerenje o nekažnjavanju.

Konkurs je otvoren od 01.09.2023. zaključno sa 15.10.2023. godine.

Prijave za upis dostaviti lično ili poslati preporučenom poštom na adresu.

**JU MEDICINSKA ŠKOLA ZENICA
Crkvice bb, 72 000 Zenica**

SA NAZNAKOM PRIJAVA NA KONKURS ZA OBRAZOVANJE ODRASLIH-PREKVALIFIKACIJA

Sve dodatne informacije mogu se dobiti na broj 032 460 377; 032 460 376
E-mail: medicinskaskola@med-ze.edu.ba